

შ. რ. მ. შ. ა.

სურათებიანი დამატება

დამატების № 2.

3804ა, 9 აპრილი, 1906 წ.

გაზეთის № 5.

გზაპირი წყლის შესახებ

გ. ბელაშისა.

ნუ მომაგონებ, ტურფავ, წარსულსა,
ნუ აატოვებ იმ გრძნობით გულსა:
მე ვუფრთხილდები ჩემს სიყვარულსა,
ის დაეკონა სხვა გულის წყლულსა!

ჩემი სატრფოა აწ კარიშხალი,
ზღვა აგზნებული, ზღვა ბოხოქარი,
ხალხის გულიდან ამოვარდნილი
ქექა-ქუხილი და ნიაღვრები!

მე იმას მივდეგ, მეღვარ ფრთიანსა,
მას ვუკრავ ჩოჩგურს, იმისთვის მღერია,
ჩემი სატრფოა დილის ცისკარი
და განთიადი პირ-მშვენიერი!

ნუ მომაგონებ, ტურფავ, წარსულსა,
ნუ აატოვებ იმ გრძნობით გულსა,
გადავხევი მე სულ სხვა წყლულსა
და მას შევსწირავ ჩემს სიყვარულსა!

ი. კვდუშვილი

ოდესღაც, დავიწყებულ დროში, იყო ერთი გამშრალი
უწყლო ქვეყანა. ხალხი ძალზე შეწუხებული იყო. დიდიდან
სალამომდე სულ უმის სკდლობდნენ, რომ როგორმე აღმოე-
ჩინათ წყალი. ბევრმა გადასდო ამ საქმისთვის თავი და ზეგრი
დაიღუპა კიდევ.

ზოგიერთნი, უფრო გაბედულნი და გამოცდილნი, აღმო-
აჩენდნენ ხოლმე პატარა წყაროებს, რომელიც სხვებს ძილ-
შიაც არ მოესიზმრებოდათ. ესენი დიდის მეცადინეობით თავს
უყრიდნენ და ინახავდნენ ბევრ წყალს. სახელად ამათ კაპიტა-
ლისტები დაარქვეს.

მოხდა ისე, რომ ამ ქვეყნის დანარჩენი მცხოვრებნი მი-
ვიდნენ კაპიტალისტებთან და მოწიწებით წყალი სთხოვეს.
ძალიან უკირდათ და სხვა გზა არა ჰქონდათ. მაგრამ კაპი-
ტალისტებმა უპასუხეს:


— რა სულელური თხოვნაა! თქვენ გინდათ ის წყალი
მიიღოთ, რომელიც ჩვენ შევადგოვით?! ჩვენც ხომ თქვენსა-
ვით გაკირვებაში ჩავევარდებით! ჩვენც ხომ თქვენთან ერთად
დავხიოცებით! აი, რას გეტყვით: გახდით ჩვენ მსახურებად და
წყალს მიიღებთ...

ხალხმა უპასუხა:

— წყალი მოგვე-
ცით და ჩვენ, ჩვენის
ცოლ-შვილით, თქვე-
ნი მსახურებით ვიქნე-
ბით.

ასეც მოხდა.

კაპიტალისტები წინ-
დახედული და დროს
შესაფერად მცოდნე
ხალხი იყო. მათ თა-
ვიანთი მსახური რა-
ზემეად დაჰყვეს. ამ
რაზმებს უფროსობ-
დნენ კაპიტნები და
აფიცრები. ესენი კი
ზოგს წყაროდან წყა-
ლს აზიდინებდნენ,
ზოგს სხვაგან ატანი-
ნებდნენ, ზოგს კიდევ
ახალ წყაროებს აძებ-
ნინებდნენ. წყალი
სულ ერთ ადგილას
დააგუბეს. მერე კა-
პიტალისტებმა ააშე-
ნეს დიდი აუზი და
იქ მოათავსეს წყალი.
ამ აუზს ბაზარი უწო-
დეს, რადგანაც მთე-



ბრძოლაში. — სურათი გრატიკისა.

თ. ც. ს. მ. შ. ა. შ. ა.
გეგმითაა



შიშლი. — სურათი გრატიკოსისა.

ლი ხალხი და თვით კაპიტალისტების მსახურნი იქ მიდი-
ოდნენ წყლის სასყიდლად.

კაპიტალისტებმა უთხრეს ხალხს: ყოველს თითო ჩაფ წყალ-
ში, რომელსაც თქვენ მოიტანთ ჩვენის აუზისთვის, მიიღებთ
თითო ფულს; ხოლო თითო ჩაფ წყალში, რომელსაც ჩვენ
ამოვიღებთ აქედან თქვენთვის და თქვენის ცოლ-შვილისათვის,
მოგვეცით ორ-ორი ფული. ეს განსხვავება ჩვენი მოგება იქ-
ნება. უამისოდ სისულელე იქნება ჩვენი მეცადონება. ჩვენ
ქვეყნისთვის სიმდიდრე შევქმენით და თუ ამაზე ხელს ავიღებთ,
ყველანი დაიხოცებით.

ხალხმა ეს კანონიერად მიიჩნია, ვინაიდან მაშინ სუსტი
შეგნება ჰქონდა.

დიდხანს და დიდის ერთგულებით ეზიდებოდა ხალხი
წყალს, ავსებდა აუზს და ყოველ ჩაფ წყალში იღებდა ერთ
ფულს. კაპიტალისტები კი თითო ჩაფ წყალში, რომელსაც
ხალხს აძლევდნენ, იღებდნენ ორ-ორ ფულს.

გავიდა დრო. აუზი, რომელიც ბაზრად ითვლებოდა,
აივსო, რადგან ხალხი თითო მიტანილ ჩაფში იღებდა იმდენ
ფულს, რამდენიც მხოლოდ ნახევარ ჩაფს სასყიდლად ეყო-
ფოდა.

რადგან ყოველ ჩაფიდან ზედ-მეტე წყალი რჩებოდა და
რადგან ხალხი გაცილებით მეტი იყო კაპიტალისტებზე, რო-
მელთაც არ შეეძლოთ სხვებზე მეტი წყალი დაელოთ, — აუზი
აივსო და წყალი ნაპირს გადმოვიდა.

როდესაც კაპიტალისტებმა ესა ნახეს, ხალხს უთხრეს:

— ნუ თუ ვერა ხედავთ, რომ წყალი გადმოიღის აუზი-
დან? დაისვენეთ და ნუღარ მოიტანთ წყალს, სანამ აუზს
წყალი არ დაკლდება.

ამ ბრძანების შემდეგ ხალხი აღარ იღებდა კაპიტალის-
ტებისაგან ფულს წყალში და თითონაც აღარ შეეძლო წყა-
ლის შეძენა, რადგან არავითარი სხვა სახსარი არა ჰქონდა.

როდესაც კაპიტალისტებმა დაინახეს, რომ ვაჭრობის
შეწყვეტის გამო მოგება მოაკლდათ, ძალიან აღელდნენ. ყვე-
ლა მხარეს კაცები გაგზავნეს რომელიმე გზებზე და ჯვარე-
დინებზე ჰყვაროდნენ:

— ხალხო და ჯამათო! ვისაც წყურვილი აწუხებს, ჩე-
ნის აუზიდან იყიდოს წყალი, რადგან იგი სასეა...

ამავე დროს ერთმანეთში ჩურჩულებდნენ: „ცუდი დროა
დაგვიღა: ჩვენ საქანელს ჩვენვე ვაჩვენებთ ხელში ძალად“.

მაგრამ ხალხმა უპასუხა:

— რით და ვიყიდოთ თქვენი წყალი, როდესაც სამუშაოს
აღარ გვაძლევთ? ხომ იცით, რომ ჩვენ სხვა სახსარი არა გვაქვს-
რა. დაგვიჩიროვით ძველებურად და ჩვენც დიდის სიამოვნე-
რით ვიყიდით თქვენს წყალს, ვინაიდან წყურვილი გვახ-
ჩობს. თქვენთვისაც საჭირო აღარ იქნება კაცების აქეთ-იქით
გაგზავნა.

კაპიტალისტებმა მიუგეს ხალხს:

— რად უნდა დაგვიჩიროვოთ წყლის საზიდავად, როდესაც
აუზი მთლად სასეა? ჯერ უნდა გიყიდოს წყალი, და თუ
თქვენ იმდენს იყიდით, რომ აუზი დაიკლოს, მაშინ კვლავ
მოგცეთ სამუშაოს.

ამ რიგად კაპიტალისტები აღარ აძლევდნენ სამუშაოს,
ხალხი კი ვეღარა ყიდულობდა წყალს. მაშინ ხალხი ერთმა-
ნეთს ეუბნებოდა: „ეს კრიზისი დადგა“.

ხალხი იტანჯებოდა წყურვილით. გაპქრა უწინდელი
წეს-წყობილება, როდესაც ჰქვეყანა ყველას ეკუთვნოდა.

რათა ხალხი იძულებულ ეყო, წყალი ეყიდათ, კაპიტა-
ლისტებმა ხელთ ჩაიგდეს ყველა წყარო, კები, წყლის საქაჩა-
ვები, ჩაუვები, ასე რომ წყალს, თუ არა აუზიდან, სხვაგან
ვერსად იშოვიდა ადამიანი.

ხალხმა საყვედური დაუწყო კაპიტალისტებს:

— ხედავთ, აუზი სასეა წყლით, ჩვენ კი წყურვილით
ვირჩობით. მოგვეცით წყალი, ასე ხომ ამოგწყულებით?!

მაგრამ კაპიტალისტები თავისას არ იშლიდნენ:

— არა, წყალი ჩვენია. უფულოთ წყალს ვერ და-
ლევთ!..

და ეს გადაწყვეტილება განამტკიცეს ფიცით: „საქმე
საქმედ უნდა დარჩეს“.

მიუხედავად ამისა, კაპიტალისტთა უკმაყოფილებაც არა
სცხრებოდა, რადგან ხალხი აღარ ყიდულობდა წყალს და



ადამიანები თუ მხეცები? — სურ. გრატკერისა.

უსპობდა მოგებას. კაპიტალისტები განცვიფრებით ერთმანეთს ეკითხებოდნენ:

— ასე გაჰოლის, რომ ჩვენმა მოგებამ მოგვისპო მოგება?!

ასე ჩვენ მკითხავენს მივმართოთ, მათ ავცხსნან ეს ამოცანა. გაგზავნეს კაცები მკითხავენთან.

მკითხავეები ღიღი მკოდნენ იყენენ: ადვილად არკვედნენ ახლართულ-დახლართულ საკითხებს. იანნი შეკავშირებულნი იყვენ კაპიტალისტებთან, რომელთაგან წყალი მიჰქადათ თავისა და თავის ცოლ-შვილისათვის. მკითხავეები ხალხს მუდამ კაპიტალისტების სახელით ელაპარაკებოდნენ, ვითარცა მათი წარმომადგენელნი, რადგან კაპიტალისტებს არც ჰქუა ჰქონდათ და არც მკვერმეტყველების ნიჭი.

კაპიტალისტებმა სთხოვეს მკითხავეს აეხსნათ, რა არის შიზენი იმისა, რომ ხალხი აღარ ყიდულობს წყალს, თუცა აუზი საესეა.

ერთმა მკითხავემა უპასუხა: „ეს—გადაქარბებულ წარმოების ბრალია“. მეორემ: „ეს—მეტის წარმოების მიზეზიაო.“ მაგრამ ამ სიტყვების დედა-აზრი ერთი-და იგივე იყო. ზოგი იმასაც ამბობდა: „ეს—მზის ლაქების ზედგავლენით მოხდაო“. სხვები უპასუხებდნენ: „არა, ეს არც ზედმეტ წარმოების ბრალია და არც მზის ლაქებისა, არამედ შედეგია იმისა, რომ ნდობა აღარ არისო“.

სანამ მკითხავეები ჩვეულებისამებრ ერთმანეთს ეკამათებოდნენ, კაპიტალისტებს მიჰქარება აუტყდათ და დაეძინათ. როცა გაღვიძდათ, შესახეს მკითხავეებს:

— კმარა! ჩვენ გატაცებულნი ვართ თქვენის სიტყვებით. ეხლა წადით ხალხში და შეეცადეთ, თქვენის-სიტყვების ზედგავლენით, დაამშვიდოთ და ჩვენც მოგვასვენოთ.

მაგრამ მკითხავეებს, ეგრედ წოდებულ „კუდიანებს“ — ზოგი მათგანი თვითონ უწოდებდა თავის თავს ამ სახელს — არ უყვარდათ ხალხში გამოჩენა, რადგან ცემისა ეშინოდათ: ხალხი მათ ცუდის თვლით უყურებდა. ამიტომ უპასუხეს კაპიტალისტებს:

— ბატონებო! ჩვენი ხელოვნების საიდუმლო ისეთია, რომ ჩვენ სიტყვებს აღტაცებაში მოჰყავს მარტოოდენ მაძლარნი

და წყურვილმოკლულნი, აი, მაგალითად, თქვენისთანები. მათ, რომელთაც წყურვილი და სიმშლი აწუხებთ, ჩვენ სიტყვების ძალა ვერ იმორჩილებს. მათ არც კი სურთ ჩვენი მოსმენა, რადგან კუჭ-ცა-იფლა ადამიანს ჩვენი მეცნიერება მარტოოდენ სიტყვების რახა-რუხად მიაჩნია.

მაგრამ კაპიტალისტები დაჟინებით გაიძახოდნენ:

— მაინც წადით. ნუ თუ თქვენ ჩვენი წარმომადგენელნი აღარა ხართ?

მკითხავეებმა გასწიეს ხალხისაკენ, რათა აეხსნათ გადაქარბებულ წარმოების საიდუმლო, აეხსნათ, რად მოხდა, რომ აუზი წყლით აივსო, რა მიზეზია, რომ ხალხს წყალი არა აქვს, როცა იგი ბევრია. ლაპარაკობდნენ აგრედვე მზის ლაქებზე და უნდობლობაზე, რომელიც მიზეზი იყო ყველა ამისა. მოხდა ის რასაც მოელოდნენ მკითხავეები: მათი მეცნიერება ხალხმა სიტყვების რახა-რუხად მიიღო. იგი წყევაკრულვით ეუბნებოდა მკითხავეებს:

— ვაი თქვენ, ტვინ-დაობებულნი! დაგვცინით განა? ნუ თუ მოჰარბება შიმშილს ბადებს? ნუ თუ ბევრისაგან არაფერი გამოდის?

მკითხავეები ჩაჰოლეს.

კაპიტალისტები ხედავდნენ, რომ უკმაყოფილება იზრდებოდა, რომ ხალხი ყურს აღარ უვდებდა მკითხავეებს.

იმის შიშით, რომ ხალხს ძალით არ დაეცალიერებინა აუზები, კაპიტალისტებმა გაგზავნეს ხალხში თავიანთი ცრუ-წინასწარმეტყველნი, რომელნიც ურჩევდნენ ხალხს, წესიერება დაეცვა და აღარ შეეწუხებინა კაპიტალისტები. ცრუ წინასწარმეტყველნი უმტიკებდნენ აგრედვე ხალხს, რომ ყველა ეს უბედურება მოავლინა ღმერთმა სულის საცხოვნებლად და თუ მორჩილებით აიტანენ ამას, უარს იტყვიან წყალზე, სიკვდილის შემდეგ გადაფრინდებიან სამყაროსა მას შინა, სადაც არ იქნებიან კაპიტალისტნი, წყალი კი მოველინების უხედა.

იღვენ აგრედვე გულწრფელი მოციქულები, რომელთაც მართლა აწუხებდათ ხალხის გაჭირვება და რომელნიც არა

ლაპარაკობდნენ კაპიტალისტთა სასარგებლოდ. პირიქით, ზოგად იმათ წინააღმდეგაც გაილაშქრებდნენ ხოლმე.

რა ნახეს კაპიტალისტებმა, რომ მკითხავეებისა და ცრუ წინასწარმეტყველების რჩევა-დარიგებამ არ გასჭრა და ხალხი არ დამშვიდდა, თვითვე გასწიეს, დაისველეს თითის წვერები წყლით საესე აუზში და რამდენიმე წვეთი აპკურეს გარშემოხვეულ ბრბოს. ეს წვეთები, რომელთაც კეთილისმყოფელთა უწოდეს, საშინლად მწარე იყო.

კაპიტალისტები დაბრუნდნენ, რომ ეს წვეთები მკითხეთა და ცრუმოციქულთა სიტყვებზე უკეთ ა-ა მოქმედებდა, პირიქით ხალხი თანდათან ბრახდებოდა და ისე ირეოდა აუზის გარემო, თითქო ძალით სურდა მისი დაცლაო.

მაშინ, ერთმანეთთან მოლაპარაკების შედეგ, კაპიტალისტებმა გააზრდეს თავიანთი მზერავება, რომელნიც აგროვებდნენ უფრო ძლიერებს და სამხედრო საქმის მკოდნებს, ცალკე გაჰყავდათ და ეუბნებოდნენ:

— რატომ კაპიტალისტებს არ დაუჭერთ მხარს? თქვენ რომ იმათ შეუერთდეთ და დაიცვათ მათი ინტერესები ხალხის ინტერესების წინააღმდეგ, საკმაოდ გექნებათ წყალი თქვენთვისაც და თქვენის ცოლშვილისთვისაც.

და ძლიერნი, სამხედრო საქმის მკოდნენი, მსწრაფლ დაემორჩილნენ მათ სიტყვებს, ვინაიდან წყურვილი არჩობდა ყველას.

მზერავებთან ერთად მივიდნენ ისინი კაპიტალისტებთან, რომელთაც დაურიგეს მათ შუბები და კეტები.

ასე და ამგვარად, ესენი კაპიტალისტთა მცველებად გადიქნენ და თავს ესხმოდნენ ხოლმე ყველას, ვინც გაჰბედავდა აუზთან ოდნავ მიახლოებას.

რამდენისამე ხნის შემდეგ წყალი დაცოტავდა, რადგან კაპიტალისტებმა წყალი ტბებისა და შადრვენების მოწყობას მოანდომეს: ამით ისინი და მათი ცოლ-შვილი სტკებოდა ხოლმე.


როდესაც კაპიტალისტებმა დაინახეს, რომ აუზში წყალმა იკლო, შესძახეს: — „კირისი გათავდაო!“ და ისევ დაიქირავეს ხალხი და დაწყებინეს წყლის ზიდვა აუზის ასავსებად. ყოველი მოტანილ ჩაფ წყალში აძლევდნენ ერთ ფულს, მაშინ როდესაც ერთ ჩაფ წყალში, რომელსაც ხალხს მიჰქონდა, ახდევინებდნენ ორ ფულს. განსხვავება შეადგენდა კაპიტალისტთა მოგებას.

აუზი კვლავ ივსებოდა.

აესებდნენ აუზს, სანამ ნაპირს გადმოსცდებოდა. ხალხი კი წყურვილით ირჩობოდა იმ დრომდე, ვიდრე ზედმეტ წყალს კაპიტალისტები არ მოიხმარდნენ ხოლმე.

3. დადგამე.

(დასასრული იქნება)



სურათი ბარონ ნიკოვის.

თანახმად ახალ დამატებით კანონებისა დღეიდან სურათები და კარიკატურები იბეჭდება მხოლოდ ცენზურის ნებართვით.